

EUSKAL PRESOK. Euskal Herri osoan arazo beretsuak izanik «erantzun bateratua» behar dute bultzatzaileen ustez.

Amnistiaren mugimenduak elkarte nazional berria sortuko du igandean

Amnistiaren Aldeko Batzordeen eta Koordinaketaren «batzea baino gehiago» dela diote

Erredakzioa | DONOSTIA

Amnistiaren aldeko mugimen-
duak erakunde nazional berria
eratuko du datorren igandean,
Donostiako Kursaalean. Elkar-
te berria egungo Amnistiaren Al-
deko Batzordeak eta Koordina-
keta elkarteen batzetik harata-
go doa, atzo prozesuaren bul-
tztatzaileek ohar baten bidez
jakinarazi zutenez. Duela urte-
bete inguru abiatu zen *Elkarre-
kin eraiki* izeneko prozesua, el-
karte nazional bakar bat sortze
bidean. Orain urtebete eginiko
gogoetan Euskal Herriko bana-
keta instituzionala maila guztie-
tan gainditu beharra ikusi zu-
ten. «Gainditze hori erakunde
eta taldeen egituratzetik ere
etorri behar zela ondorioztatu
zen, eta horregatik, Euskal He-
rri osorako elkarte bakar bat
sortzea behar-beharrezkotzat
jo zen».

Ordura arte amnistiaren inguruan lanean aritzen ziren elkar teek soilik Ipar Euskal Herrian edo Hego Euskal Herrian zuten euren lan eremua. Baina euren arazoak beretsuak zirela ondorioztatu zuten, eta elkar te bakarra osatzeko beharra ikusi, «sortzen diren arazoei osotasunean erantzuteko». Gogoeta horretatik abiatuz hasi ziren Amnistiaren Aldeko Batzordeak eta Euskal Preso Politikoen Sustengurako Komiteen Koordinaketa elkar lanean. Azkene ko urtean elkarlan hori areagotzen joan da. «Denbora horretan argi geratu da Frantziako eta Espainiako Estatu en arasoe k norabide bera dutela, preso en arazoak antzekoak direla,

A black and white photograph capturing a massive crowd of people, likely students, marching down a wide street. The participants are holding a multitude of flags, many of which appear to be the national flag of the Basque Country. In the foreground, a large white banner is held taut across the width of the march, featuring the words 'amnistia' and 'adkatasuna' in bold, black, sans-serif capital letters. The crowd extends far into the background, filling the street and spilling onto the sidewalks. The scene is set in an urban environment with buildings and trees visible in the distance. The overall atmosphere suggests a significant public demonstration or protest.

AA.Bek eta Koordinaketak iaz elkarrekin antolatu zuten manifestazio bat Baionan.

BATZETIK HARATAGO

«Koordinaketa eta AABen batzea baino gehiago esan nahi du: Euskal Herrian estatuen erasoei erantzutea»

eta egoera horiei eman beharreko aterabidea bera dela».

Prozesuak, AABEn eta Koordinaketaren batzea baino gehiago adierazten du bultzatzaileek diotenez. «Bi elkarte hauek bultzatu dute prozesua, eta horiek dira oinarri, baina prozesuak helburu zabalagoa du. Euskal Herrian estatuen

ERANTZUN BATERATUA

**Iparraldean zein
Hegoaldean presoen
arazoak antzekoak dira,
eta «aterabide bera»
behar dutela diote**

erasoei erantzutea, eta amnistia lortzea ezinbestekoa dela pentsatzen dugunez, horrekin bat datozen euskal gizarteko sektoreak bildu nahi genituzke elkarre berriaren inguruan».

Elkartearen sorrera ekitaldia
igandean izango da Donostiako
Kursaalean, goizeko 10:00etan.
Bertan, elkarteak gatazkaren in-

LAN ILDOAK

**Lan ildoak, presoen
asistentzia, Euskal
Herrian bizitzeko
eskubidea edo
elkartasuna dira**

guruan egiten duen irakurketa zehatzuko da, gatazkaren konponbiderako planteatzen diren oinarriak azalduko dira, eta lan ildoen nondik norakoa zehaztuko da. Lan ildoak, orain arte amnistiaren aldeko mugimenduak jorratu dituenak izango dira funtsean: euskal preso politikoena, iheslariena, askatasun

SORRERA EKITALDIA

Igandean lehen urratsa

Elkartearen sorrera ekitaldia igandean izango da Donostiako Kursaalaren goizeko 10:00etan hasita. Bertan elkartearen izaera eta izena jakinaraziko dira batzarraren oniritzia jaso ondoren. Horretaz gain, elkarteak gatazkaren inguruan duen irakurketa, eta lan ildoak zehaztuko dira. Gero bi hilabeteko epea zabalduko da elkartearen izaera hobeki zehazteko, haren egitura organikoa finkatzeko eta elkartearen berri gizartean zabaltzeko.

demokratikoena, asistentziarena eta elkartasunarena.

Elkarlana aurretik

Igandekoa erakunde nazional berria sortzeko lehen urratsa izango dela adierazi dute bul-tzatzaileek. Han azalduko di-tuzte elkartearen izaera eta ize-na ere batzarrean onartu oste-an. Ondoren, bi hilabeteko lana abiatuko da elkartearen izaera hobeki marrazteko, haren egi-tura organikoa zehazteko eta jendaurrean aurkezteko. Bul-tzatzaileek militante guztiei dei-egin diete igandeko ekitaldian parte hartzeko.

AABek 25 urtez egin dute lan presoan alde, tortura salatuz edota amnistia aldarrikatuz. Ipar Euskal Herrian ere aspal-dian hasi ziren batzordeak lanean, eta 1997an batu ziren batzorde horiek Koordinaketa-n. Bi elkarte horiek duela pare bat urte hasi ziren jada elkarlanean, eta aurtengo urte hasieran, berriz, *Elkarrekin eraiki* prozesua abiatu zuten. Urrian AABen aurka polizi operazioa izan zen arren, horrek ez du gelditu lana eta erakunde berriaren sortzea.

Kepa Legina presoa estraditatuko dute bihar Frantziatik Espainiara

Erredakzioa | **DONOSTIA**

Kepa Legina Aurre euskal preso estraditatu dute bihar Frantziatik Espainiara. Legina 1999an atxilotu zuten Pariseko Charles de Gaulle aireportuan, Mexikotik zetorrela. 1979an Azpeitiko taberna batean hiru guardia zibilen kontrako atentatua egitea egozten diote Leginari.

Bestetik. Baltasar Garzon

epaileak Espainiako Gobernuari eskatu dio Carlos Iñigo Blascoren aurkako estradizio prozedura abia dezan. Iñigo azaroaren 9an atxilotu zuten Beziarsen, eta Frantzia espetxeratuta dago. Garzonek *Ekin auzian* auzipetu zuen gazte hori, Ekin-eko buruzagi izateaz akusatu eta erakunde armatuko kide jo baitzuen.

Jose txo Arizkuren aldi bate-
rako entregatzeko erabakia

dela eta, Pio Cabanillas Espainiako gobernuko bozeramaileak «aurrekaririk ez duen jauzi kualitatiboa» dela esan zuen.

Estradizioen aurka protestak

Estradizioak eta zenbait eskubideren urratzea salatzeko espetxeetan protesta ugari egin dituzte. Kepa Pikabearen estradizioaren aurkako protestak egin dituzte Martuteneko, Aranjuezeko eta Alcala Mecoko emakumeen kartzeletan, itxialdi eta enkarteladak eginez.

Senitartekoek izaniko istri-
puak salatzeke, berriz, Villabo-
nan, Teruelen eta Valdemoron
egin dituzte protestaldiak

Monika Martinezi bi auzipetze jakinarazi dizkio Garzonek

Agentziak | MADRIL

Monika Martinez presoari bi auzipetze jakinarazi zizkion atzo Baltasar Garzon Espainiako Auzitegi Nagusiko epaileak. Martinez astelehenan estraditatu zuten Frantziatik Espainiara, eta atzo eraman zuten epailearen aurrera deklaratzera.

Astelehenean, Paristik
Madrilera heldu zenean aire-

portuan zain zuen batzorde
judizialak jakinarazi zion
bere aurrak bi auzi zeudela
zabalik Auzitegian, eta Alca-
la-Mecoko kartzelara era-
man zuten. Atzo epailearen
aurretik igaro ondoren, hark
ere espetxeratzea agindu
zuen.

1994an izaniko bi atentatuarekin lotuta hartu zion deklarazioa Garzonek. Bata Bilboko San Ignacio auzoan Telefonicarene bulegoetan jarritako lehergailua da. Bestea, berriz, Fernando Jimenez Pascual guardia zibilarren hilketa, autoan lapa-bonba jartzeagatik. Bietan parte hartzea egotzen diote.